

مجموعه ابو الخضر

ماسوا شائبه سندن دلی تطهیرہ پالاش
بر تو حکمت و عرفان الہیہ تویرہ آتش

ہر ماہ عربی ابتدا سیلہ اون بشندہ نشر اول نور فنون مجموعہ سیدر .

جزو ۳۳ [فی غرہ جاذی الاول سنہ ۱۳۰۰] نسخہ سی ۳ فروش

بوسیلہ اکہجینک عائله سی بردیل ا مککہ محتاج اوله رق سواقلرده
قالش اوله لرندن اصل جانی اولان برقایجی مرتکب قتل اوله جق
قدر بر قلب قاسی صاحبی ایکن ینه شو حال حوصله سنه صغیرده میهرق
برکون انکیریسیون محکمه سنه مراجعتله اتمکجینک فعل قتلده برائتی
وکندیسنک بوقته طمع نقود ایله جرأتی اقرار ایشلدر .

ایشته عدالت الهیه بوجمله برینی بولدقن صکره انکیریسیون
رؤسای دخی کویا کفارت حکم باطل ایچون بولامبهی الی الابد
اشغال اتمکی نذر ایشلدر .

طباعت اسلامیه دائر تحقیقات جدیدہ

فن طبعك ترکیبه تطبیقی وتعبیر آخرله ترکیه طباعتک ایجادی
۱۱۳۵ سنه سنده سلطان احمد ثالث دور سلطنتنده که اوروپاده ایجاد
اولندیغی تاریخدن ۲۶۱ سنه مؤخر اولدیغی اربابنک معلومیدر .
حال بو که حروف عربیه نك حك واصاغه سیله السنه اسلامیده
کتاب طبعنه مباشرت اولندیغی تاریخ ایله اوروپاده فن طبعك ایجادی
آره سنده ۶۲ سنه بولندیغی وبوحسابجه اسلام حروفنك فن طبعه
تطبیقندن بری ۳۸۰ سنه مرور ایلدیکی اصحاب تحقیقندن [فارل
فالمان] که بوکره نشر اولنان تاریخ فن طبعندن آکلشلدر .

محقق مومی الهك قولنج حروف عربیه نك حك واصاغه سیله
کتب عربیه طبعنه ۱۵۱۴ سنه میلادیه سنده یعنی هجرتک ۹۲۰ سالنده
ایتالیانک [فانو] قصبه سنده مباشرت اولنش وبو امر نافعک موقع

فعله قونمسی پاپاردن ایکنجی [زول] ک همیتله [غره غوربو داغره -
 غوریاس] نامنده برصاحب هنک مهارتی سایه سنده اولدیغی کبی
 مومی الیه غره غوریسک تنظیم ابتدیکی مطبعه عربیده ایلاک باصیلان
 کتاب « ستم هورائه قانونیکه » یعنی کتب سبعة خرسیانییه نام لاتیجه
 اړک ترجمه عربیه سی ایش .

بوتاریخدن ۴ سنه صکره یعنی ۱۵۱۸ سنه میلادیه سنده ونیدیکه
 دخی [بره سچیا] لی [پاغینی] نامنده برصاحب معرفت طرفندن
 حروف عربیه الیه دیگر بر مطبعه ده کساد اولمش ایسده مومی الیه
 ایکنجی زولک خلی طرفندن تعطیل ایتدیرلمشدر .

چونکه مومی الیه پاغینی مسلمانلرک اعتقاد ایتدیکی بر دینک
 (خرسیانیلغ) احکامنه متعلق اولان کتابلری اسلام حروفله طبع
 ایتکدن ایسه دین اسلامه عائد اولان آثاری تمثیل الیه استفاده ایتکی موافق
 فطانت بولمغله اک اول قرآن کریمی طبع ایش ایدی . بو ایسه اوز مالک
 حکمنجه برجنایت عظمایی ارتکاب ایدی؛ زیرا پاپار اساساً بو مطبعه
 ترقی معارف ایچون دکل نصرانی توسیع مقصدیله کساد ایش
 اوا، زندن مومی الیه پاغینی خرسیانیلغ نفقته مخصوص اولان
 بو واسطه بی ماوضع لهندن تحویل الیه دین اسلامه خادم ایش ایدی .
 بناء علیه نسخ مطبوعه قرآن انکیریتورل معرفتیه احراق ایدلدکن
 صکره جزاء پاغینک مطبعه سی مصادره اولندقدن صکره [پروپاغاند]
 یعنی جمعیت نصاری مطبعه سنه نقل اولمشدر .

۱۵۷۸ سنه سنده مهر حکاکی فرانسز [روبر غران زون]
 قاردینال دومدیچی نک دعوتی اوزربنه رومایه عزیمتله حروف شرقیه
 حکنه مأمور اولدیغندن بری کوفی قیرمه سی دیگری ثلث اوله رق
 ایکی نوع حروف وجوده کتیره شد که مومی الیه [کارل فاولمان]

تاریخ طباعتندہ بو حرفلرله ایلاک دفعه طبع ایدیلان عربی عبارتہ
بر جغرافیادان مجعوت عنہ اولان ایکی نوع حروفله اولوق اوزره
جمله آتیہی نشر ایلشدیر .

۱ لما فرغ من ذکر الجزائر التي یبحر الروم انتقل الى
ذکر الشام وقد حددّ والشام علی وجه دخل فیہ بلاد
الارمن ۲

۱۵۸۹ سنه سندن ۱۶۱۱ سنه سنه قدر فرانسه دولتی طرفندن
سفارتله پای تخت سلطنت سنیهده بولنش اولان [ساواری دویره و]
نام ذات دخی بری نسخ و دیکری تعلیق اوله رق ایکی نوع حروف
حک ایتدیرمش و بو حرفلر [لهزای] نام ذاتک ۸ لسان اوزرینه ترتیب
ایلدیکی برانجیل کتابنک طبعنده استعمال اولنشدیر .

مجعوت عنہ اولان حرفلری او تاریخنده سفیر ساواری [آتوآن -
دوویره] نامنده بر مطبعه جی به اهدا ایلش ایدی . ساوارینک وفاتی
اوزرینه مطبعه جی ویره اون اوچنچی لوقی به مراجعتله فلتنکلیر ایله
انکلیر پروتستانلرینک اللرینه دوشمامک ایچون حروف مذکورہی
اشترا ایتسنی تکلیف ورجا ایتش و مشار الیه لوقی دخی ۴۳۰۰
فرانقه صاتون آله رق الیوم ملت مطبعه سی اولان امپریه ری روآیاله
مال ایلشدیر .

او تاریخندن زمانمره قدر فرانسهده السنه اسلامیه اوزرینه نه قدر
کتاب طبع ایلدیش ایسه جمله سنده بو حرفلر استعمال اولنشدیر .

ایلاک طبع اولسان فارسی کتاب [یعقوب ظاووزوس] نامنده
برهودینک فارسی به ترجمه ایتش اولدیغی [پنتاؤک] یعنی کتب خمسہ
نام اؤدرکه ۱۵۸۱ سنه سنده نشر اولنشدیر .

۱۵۸۳ سنه سنده موسیو [زاق قریستان] نامنده السنه شرقیه واقف بر آلمان بر الفبای عربیه ایله مدخل قواعد عربیه اسمنده بر کتاب ترتیب و طبع ایستدیر مشدر .

کذا ۱۵۸۳ سنه سنده موسیو [رود کراسپه ی بوپوردیان] نام ذات عربجه بر الفباء ترتیب و آلمانیاده واقع [نایشتات] شهرنده طبع ایستدیر مشدر .

[رافدنلک] نامنده بری دخی ۱۵۹۵ سنه سنده [لیدن] شهرنده خطوط عربیه حک و اصاغده سیله نمونه لرینی نشر ایلمشدر .

ایکی دفعه استانبوله سیاحت ایتش اولان معلم [ویلهلم پوسته - لوس] ۱۵۳۸ سنه سنده ترتیب ایلدیکی عربجه بر علم صرفی پارسده نشر ایتش و ۱۵۹۲ ده دیگر بر صرف عربی دخی روماده نشر اولمشدر . مومی ایله پوسته لوس ۱۵۳۸ ده پارسده ۱۲ لسان اوزره بر الفباء مجموعه سیله ذکر اولنان السنه اثنا عشرک قواعد قرآنی جامع بر مجله نشر ایتشدر .

شو اجمالدن آکلاشلدیغی اوزره طباعت ترکیهک تاریخ ظهوری اولان ۱۱۳۵ سنه هجریه سنه مصادف ۱۶۱۷ سال میلادیسنه کلنجیه قدر اوروپاک بلاد متعدده سنده تواریخ مختلفه ایله ۱۰ مطبعه کشاد ایدلمش و بونلرک الک مقدمی پایا ایکنی ژولک همتیله مباشرت اولنه رق و فائیدن بر سنه صکره یعنی ۱۵۱۴ سنه سنده کشاد اولنان مطبعه اولدیغی کبی الک مؤخری ده ۱۵۸۳ سنه سنده آلمانیاده تأسیس ایدلمشدر .

استانبولده کشاد اولنان ایلك مطبعه یی اربابنسک مجهولی اولدیغی اوزره حجار مهتدی لرندن ابراهیم افندی نامنده بر ذات تنظیم ایتش ایدی .

اوتاریخده ابراهیم افندینک وجوده کتیردیکی بو واسطه بدیعیه یی

هر کس آتک ثمره فطانت و اختراعی عد ایدرک حیران اولمش ایدی .
 حال بوکه ابراهیم افندیکن شو همتی ملتزمجه الی الابد مشکور اولقله
 برابر بو واسطه نافعہ مومی الیه اثر فطانت و اختراعی اولمیبوب اثر
 تقلیدی اولدیغی و بناءً علیه کنندیسنک بوباده کی خدمت و همتی
 وساطتدن عبارت بو لندیغی بالاده کی تفصیلاتدن ظاهر اولور .

عصر حاضر مطبوعاتی

اوروپاده موجود بولان غزنه زده اتوغرافی (علم احوال اقوام)
 نقطه نظرندن باقلدیغی حالده ایکی فرقده منقسم بولندقلری
 کوریلور؛ بولاردن بری [لاتین] و دیگرکی [جرمن] قوملریدر .
 غزنه زک بویله ایکی قسم اعتبار ایدیلمیشی تقسیمات کیفیهدن
 دکلدر؛ لاتین مطبوعاتی لاتین اقوامنه مخصوص اولان ذکا و فطانتک
 کافه مزبائن ناطقدردر . مطبوعاتک قسم میجوشی غزنه زک عوارضندن
 اولان تبدل مسالک و مشربک مساعده سی درجه سنده خفیف و لطیفدر .
 لاتین مطبوعاتی تجارت ایله اشتغاله خیلی غیرت کوسستردیکی
 حالده بو کا هیچ بروقت تمامیله موفق اوله مامشدر . لاتین غزنه زنده (یعنی
 اسپانیول ، فرانسز و ایتالیان مطبوعانده کی) نشریات جرمت فرقه سنک
 نشر یانندن اهمته یوزقات دوندر .

۵

جرمن فرقه سنه منسوب اولان غزنه زده او قدر شطارت آمیز
 مواد کورلور . آنلرک نسخهلری ده ا جسیم اولدیغی کبی بیخبلری ده
 ده ا جدیدر . جرمن غزنه لری صحیفهلرینی برطاقم خیالات و یا مالایعنیاته